



Inatsisartuni ilaasortat  
Gerhardt Petersen  
Siverth K. Heilmann  
ATASSUT

Inatsisartut suleriaasianni § 37, imm. 1 naapertorlugu Naalakkersuisunut apeqqummik imaattumik nassiussaqaqpusi.

**Maniitsumi inissiarsuit Salliarnartami aammalu Imeqarfiup aqqutaani rækkehuset inoqanngitsut iluarsartuunneqarnissaannut imaluunniit isaterisoqarnissaannut Naalakkersuisut pilersaaruteqarnerlutik?**

Apeqqutissinnut qujanaq, taakkulu matumuuna akineqassapput. Inissiaqarfinit 1950-imiit 1977-imut sanaartorneqartunit, Namminersorlutik Oqartussanit pigineqartunit amerlasuut PCB-nik, avatangiisinut peqqissutsimullu ulorianaatilinnik akoqarput.

Blok P-mik isaterineq isaterinerit annerit siullersaraat, tassanilu isaterinissaq Kalaallit Nunaanni illuliani PCB-mik akuutissanillu avatangiisinut peqqissutsimullu ulorianaatilinnik atuinerimi unammilligassat eqqarsaatigalugit pilersaarusioneqarsimavoq.

Blok P-mik isaterineq misiligititut suliaavoq, Blok P-p sananeqarnerani atortunik PCB-nik akulinnik paasiniaanissamik, aammalu sanaartukkamit eqqagassat passunneqarnissaannut siunnersuutitik aalajangersimasunik saqqummiussinissamik siunertaqarfiusoq. Taamatuttaaq siunissami isaterinerit qanoq pilersaarusioneqarsinnaaneritut siunnersuuteqarnissaq siunertarineqarpoq, taakkunungalu avatangiisit titartarnissaannut suleriaasissanut, sullivimmi avatangiisinut iliuusissanut aammalu oqartussaasut suliaqarnerini suleriaasissanut siunnersuutit ilaatinneqarput.

Blok P-mi isaterinerup naammassineqarnerani isaterinernut atatillugu PCB-nik suliaqarnissamut iliuusissanik pilersaarusiortoqartussaavoq. Blok P-p sananeqarnerani atortut ukioq manna (2013) tunniunneqareemata, iliuusissanut pilersaarutip siuliani taaneqartup suliarineqarnissaa maanna pilersaarutigineqarpoq, taassumalu missingiutitut 2014-ip aallartinnerani politikikkut suliassanngorlugu piareerneqarnissaa naatsorsuutigineqarpoq. Tamatuma kingorna illut PCB-nik akullit isaterneqartussatut pilersaarutigineqartut aallartinneqarsinnaalissapput.

4. juni 2013  
Sagsnr. 2013-084140  
Dok. Nr. 1234317

Postboks 909  
3900 Nuuk  
Tlf. (+299) 34 50 00  
Fax (+299) 32 52 86  
E-mail: [ipan@nanoq.gl](mailto:ipan@nanoq.gl)  
[www.nanoq.gl](http://www.nanoq.gl)

Maniitsumi illut taaneqartut aningaasaliissutissanik nassaartarneq malillugu isatigassatut pilersaarutigineqarput – Imeqvej-imi illu taaneqartoq tassaassasoq B 145 ilimagineqarpoq – Illup taassuma sapinngisamik siusinnerpaamik isaterneqarnissaa anguniarneqassaaq.

Inussiarnersumik inuulluaqqusillunga

  
Mette Lyngø